



CONCELLO  
DE  
MALPICA DE BERGANTIÑOS  
(A CORUÑA)

Avda. Emilio González López, 1  
15113 MALPICA DE BERGANTIÑOS  
Teléfs. 981 72 03 18 – 981 72 03 19 – 981 72 00 01  
Fax 981 72 16 27  
E-mail: [correo@malpica.dicoruna.es](mailto:correo@malpica.dicoruna.es)  
RELGA. MU – 2000/175 CIF: P-1504400A

**XUSTIFICACIÓN DO CONTRATO DE SUBMINISTRACIÓN DUN CAMIÓN CON CAIXA BASCULANTE E/CON GRÚA, ACTUACIÓN DERIVADA/FINANCIADA DE/POLO CONVENIO DE COOPERACIÓN ENTRE A EXCELENTÍSIMA DEPUTACIÓN PROVINCIAL DA CORUÑA E O CONCELLO DE MALPICA DE BERGANTIÑOS, ASINADO O 3 DE MAIO DE 2024.**

**EXPEDIENTE: 2024/C005/000002**

**O OBXECTO DO CONTRATO E XUSTIFICACIÓN DAS NECESIDADES A SATISFACER**

O Concello subscribiu en data 03/05/2024 o “CONVENIO DE COOPERACIÓN ENTRE A EXCELENTÍSIMA DEPUTACIÓN PROVINCIAL DA CORUÑA E O CONCELLO DE MALPICA DE BERGANTIÑOS POLO QUE SE INSTRUMENTA UNHA SUBVENCIÓN NOMINATIVA PARA O COFINANCIAMENTO DA ADQUISICIÓN DE TRACTOR- DESBROZADORA E CAMIÓN GRÚA ”.

A sinatura do citado convenio ten a súa orixe na solicitude realizada por esta administración, mediante acordo plenario adoptado na sesión celebrada o 29/07/2021, sendo este do seguinte tenor literal:

*“O Concello de Malpica Bergantiños pretende a adquisición dun tractor con brazo rozador e desbrozadora e dun camión con caixa basculante e grúa.*

*Dadas as razóns de interese público que motivan e xustifican as citadas adquisicións, que se explicitan na documentación/expediente que serve de fundamento ao presente, se considera que as mesmas deben ser obxecto dunha subvención de concesión directa por parte da Deputación Provincial da Coruña, ao abeiro do artigo 16 da Ordenanza Xeral de Subvencións e Transferencias da Deputación Provincial.*

*O citado artigo 16, na redacción dada tras a publicación no BOP, de data 8 de xaneiro de 2021, núm. 4, da modificación acordada polo pleno provincial, en sesión de 30 de decembro de 2020, establece que:*

*“1. Cando unha persoa interesada considere que unha actividade ou proxecto deba ser obxecto dunha subvención de concesión directa, poderá presentar unha solicitude achegando unha memoria detallada con datos técnicos, xurídicos, orzamentarios e temporais, na que se xustifique:*

*a) As razóns de interese público de carácter cultural, deportivo, social, económico ou humanitario, polas que a Deputación Provincial, no fomento dos intereses peculiares da provincia, deba contribuír economicamente no desenvolvemento da actividade ou proxecto, e impidan ou dificulten acollerse a algún dos programas de subvencións de concorrencia competitiva ou plan da Deputación.*

*b) O orzamento da actividade ou proxecto.*

*2. Ademais, deberá de achegarse a documentación seguinte:*

*a) Documentación económico financeira que poña de manifesto a falta de financiación propia: contas anuais do último exercicio económico, liquidación do Imposto de Sociedades, salvo en caso de estar exentas da súa presentación, consonte o artigo 124 da Lei do Imposto de Sociedades, o balance de comprobación de sumas e saldos emitido á data da solicitude. No caso de entidades públicas, deberá aportar un estado de execución do orzamento, emitido á data da solicitude.*

*b) Certificado do acordo da asemblea de socios, padroado ou claustro, e, no caso de que o solicitante sexa un concello ou entidade local, certificado do acordo do Pleno da*

*Documento asinado electronicamente, pódese validar a sinatura co código indicado na marxe no <https://sede.malpicadebergantinos.es> (O Código de Verificación garante, mediante o cotexo na sede electrónica municipal, a integridade do documento, artigo 27.3. c) da Lei 39/2015, do 1 de outubro, do Procedemento Administrativo Común das Administracións Públicas).*



Avda. Emilio González López, 1  
15113 MALPICA DE BERGANTIÑOS  
Teléfs. 981 72 03 18 – 981 72 03 19 – 981 72 00 01  
Fax 981 72 16 27  
E-mail: [correo@malpica.dicoruna.es](mailto:correo@malpica.dicoruna.es)  
RELGA. MU – 2000/175 CIF: P-1504400A

*Corporación, no que conste o interese público provincial da solicitude da subvención provincial. Neste acordo deberá facerse constar o importe da subvención solicitada e do coeficiente de financiación proposto”.*

*Visto que consta no expediente tramitado ao efecto a documentación esixida polo organismo provincial para que este Concello solicite e resulte beneficiario da concesión directa dunha subvención que contribúa economicamente á adquisición dos citados bens.*

*Considerando que, segundo ten quedado acreditado no expediente, nas citadas adquisicións, concorren razóns extraordinarias de interese público polas que a Deputación no fomento dos intereses da provincia debe contribuír economicamente e que non é posible acollerse para o seu financiamento a algún dos programas de subvencións de concorrencia competitiva ou outro plan do ente provincial.*

*É polo que á vista do anteriormente exposto e de conformidade co establecido no artigo 16 da Ordenanza Xeral de Subvencións e Transferencias da Deputación Provincial, se propón a adopción do seguinte,*

#### ACORDO:

**Primeiro:** *Aprobar a memoria que obra no expediente na que se xustifican as razóns de interese público polas que a Deputación Provincial no fomento dos intereses peculiares da provincia, debe contribuír economicamente á adquisición dun tractor con brazo rozador e desbrozadora e dun camión con caixa basculante e grúa, e que non é posible acollerse a algún dos programas de subvencións de concorrencia competitiva ou plan do ente provincial.*

**Segundo:** *Solicitar, xa que concorren e así se ten acreditado razóns de interese público provincial, unha subvención de concesión directa á Deputación Provincial da Coruña por importe de 173.995,04 euros (coeficiente de financiación do 80%) para o financiamento das citadas adquisicións.*

**Terceiro:** *Dar traslado do presente acordo á Deputación Provincial da Coruña xunto coa restante documentación que obra no expediente, dando cumprimento ao preceptuado polo artigo 16 da Ordenanza Xeral de Subvencións e Transferencias da Deputación Provincial”.*

Tras diversas vicisitudes no ano 2023, se solicita, constando nos antecedentes a tramitación realizada no ano 2021, á que se refire o transcrito acordo plenario, a sinatura/formalización dun novo convenio actualizado para financiar a adquisición dos referidos bens (tractor-desbrozadora e camión-grúa), polo que neste expediente interesa un camión con caixa basculante e/con grúa. Así, e como xa se adiantou ao inicio do presente, con data 03/05/2024 procédese á sinatura do convenio entre a Deputación e o Concello .

En conclusión e á vista do sinalado, a necesidade e xustificación do presente subministro, así como a actuación do concello no ámbito das súas competencias/facultades xa se considerou/motivou coas actuacións previas realizadas por esta administración, principalmente, coa sinatura do convenio antes referido e a solicitude da citada subvención, que se subliña/reitera ten orixe nun acordo plenario.

En todo caso, con independencia de que a necesidade/xustificación da adquisición dos bens ten quedado acreditada e apreciada xa, debe sinalarse expresamente neste momento que con esta adquisición o concello pretende prestar uns mellores servizos a

*Documento asinado electronicamente, pódese validar a sinatura co código indicado na marxe no <https://sede.malpicadebergantinos.es> (O Código de Verificación garante, mediante o cotexo na sede electrónica municipal, a integridade do documento, artigo 27.3. c) da Lei 39/2015, do 1 de outubro, do Procedemento Administrativo Común das Administracións Públicas).*



CONCELLO  
DE  
MALPICA DE BERGANTIÑOS  
(A CORUÑA)

Avda. Emilio González López, 1  
15113 MALPICA DE BERGANTIÑOS  
Teléfs. 981 72 03 18 – 981 72 03 19 – 981 72 00 01  
Fax 981 72 16 27  
E-mail: [correo@malpica.dicoruna.es](mailto:correo@malpica.dicoruna.es)  
RELGA. MU – 2000/175 CIF: P-1504400A

súa veciñanza exercendo/executando cuns mellores medios materiais aquelas competencias que lle son propias e que se concretarían, segundo o previsto no art. 25 e 26 da Lei 7/1985, do 2 de abril, reguladora das Bases do Réxime Local e tal e como se expón no convenio asinado, en *“Medio ambiente urbano: en particular, parques e xardíns públicos, xestión dos residuos sólidos urbanos e protección contra a contaminación acústica, lumínica e atmosférica nas zonas urbanas”* e *“Infraestrutura viaria e outros equipamentos da súa titularidade”*.

Así, pois, se entende que queda xustificada segundo o exposto e as restantes actuacións previas realizadas por esta administración a natureza e extensión das necesidades a satisfacer polo contrato a celebrar, nos termos establecidos nos artigos 28 e 116 da LCSP.

Malpica de Bergantiños, asinado dixitalmente na data que figura ao marxe

O alcalde,

Asdo.: Eduardo J. Parga Veiga

Documento asinado electronicamente, pódese validar a sinatura co código indicado na marxe no <https://sede.malpicadebergantinos.es> (O Código de Verificación garante, mediante o cotexo na sede electrónica municipal, a integridade do documento, artigo 27.3. c) da Lei 39/2015, do 1 de outubro, do Procedemento Administrativo Común das Administracións Públicas).